

38. Scriptum de sterquilinio
Scimus in evangelio,
Quod vinator ficulneam
Inde fecit fructiferam.
39. Securim namque dominus
Aptans illi radicitus
Succidi hanc imperitat,
Dicens: cur terram occupat?
40. At ille statim impetrat,
Ne ficus adhuc corruat,
Donec aptaret sarculo
Et impinguaret cophino.
41. Unde per fimi stercora
Signatur poenitentia,
Quibus peccator sterilis
Sese foetere conspicit.
42. Nam pravus quis, cum resipit,
Mala quae fecit aspicit,
Atque pinguescit fletibus
Ab scelerum stercoribus.
43. Desuper quorum cumulum
Componens stratum solidum
Jam priscam vitam subigit
Et altius se subrigit.
44. Et quia corde lacero
Praecessit lamentatio,
Jamjam plaudit in carmine
Hiezechielis ordine.
45. Quam ob rem non incongrue
Notavimus in capite
Stantem gallum in stercore
Alis percussis canere.

41, 4 sese fetore 43, 4 percussum